



國家清史編纂委員會・文獻叢刊

八編

清代稿鈔本

第三六一冊

國家清史編纂委員會・文獻叢刊

八編

清代稿鈔本

第三六一冊

廣東省立中山圖書館
中山大學圖書館

編

主編 桑兵
副主編 李昭醇 程煥文 劉洪輝

SPM

南方出版傳媒
廣東人民出版社

・廣州・

第三六一冊目錄

吳中判牘

.....

吳中判牘

不分卷

崩德模
撰

鈔本

陝西司

謹查陝西省題徐經等偷竊挖王敦化之妾張氏坟墓開棺剥衣一案職等詳核案情王敦化因妾張氏病故雇該犯徐經等抬埋並令徐經代為看守坟墓言明給與雇值次日徐經因貧糾同徐銀等將坟刨掘開棺剥取屍衣變賣賣查該犯徐經雇與王敦化看坟並非受雇在家服役且僅止一日既據該省審明本無主僕名

分自應以凡論該省將徐經依發掘他人墳塚
開棺見屍律擬絞監候與律相符似可照覆仍

候

鈞定

河南司

謹查河南省題林科糾同林德發掘兄妻林羅氏屍棺一案該省以兄妻不在尊長之例將林科依發掘他人坟塚開棺見屍律擬絞監候職等查兄之妻弟之妻均服屬小堂功至死律同兄論原無尊長卑幼之分發塚開棺自應以九人科斷如謂兄妻同分尊長應照卑幼發掘尊長坟塚律擬絞候設遇發掘弟妻之棺亦應照發

掘小功卑幼坟墓杖九十徒二年半恐有未
協此案棟科以允人定擬似可照覆恭候

鈞定

安徽司

謹查例載貧人吉壤將遠年之坟盜發者以開棺見屍律擬絞監候又發掘坟塚見棺槨為首者發边近充軍其發塚見棺鋸鋒鑿孔並非顯露屍者發边近充軍各等語詳繹例意貧人吉壤盜發遠年坟墓既以開棺見屍律論則必須揭開棺盖顯露屍身方可按例問擬若僅止將棺窆洞以未便率擬絞候令安徽省題文杆等

發掘吳廷旺祖坟盜葬一案職等詳核案情文
杆因吳廷旺家道興旺其度祖坟必係吉壤起
意發掘將妻骨盜葬商兄牡丹並邀呂開心將
父骨一同偷垣隨將各骨包裹偕抵吳姓坟前
撬開兩墳石板復將柳磚各窠一同用火照見
柳內只有土堆木均已朽爛無存該犯等將各
骨放入柳內掩蓋石板而散是該犯等發掘文
塚雖棺未業已朽爛惟僅止將柳窠洞並未創

動土堆顯露屍骨與開棺見屍之例不符乃該撫將該犯文杆似擬絞候殊未允協案關生死出入碍難率覆應請

交司議駁是否恭候

鈞定

雲南司

謹查名例載本應罪重而犯時不知者依凡人
論等語今雲南省咨趙小三黑夜追賊誤毆胞
兄趙金鰲身死一案職等詳加查核趙小三在
堂伯趙廷相家帮工半夜聽聞犬吠起而查看
見大人已開牛隻被賊偷竊隨携棍邀同萬洪
書往前追捕抵長堤坡上天正下雨黑夜裡似
見一賊趁牛前走趙小三急用木棍毆其左太

陽讓跌下岩將牛牽回次早往看始知賊人即
係該犯胞兄趙金鰲業已身死查趙小三夜黑
捕賊誤傷胞兄致斃寔屬犯時不知歷年曾有
辦過黑夜捕賊致傷有服尊長照例論科斷之
案今該省將趙小三依賊犯黑夜偷竊登時追
捕毆打致死例擬徒核與例案均屬相符似可
照覆仍候

鈞定

四川司奉

交核四川省咨張德雄毆傷竊賊李天貴身死一
案職等查例載事主因賊犯黑夜偷竊登時追
捕毆打致死者不同是否已離賊所捕者人數
多寡賊犯已未得財俱杖一百徒三年餘人杖
八十若賊犯被毆倒地及其就拘獲輒復疊毆
致斃者照擅殺罪人律拟絞等語此^案李添貴黑
夜行竊事主張德雄聽聞犬吠同兄張德英出

捕見李添貴正在屋後偷砍竹校張德雄用木
棒毆傷其顙門張德英亦用木棒毆傷其在胞
肘李添貴跪走張德雄追捕又用木棒連毆其
頂心偏右倒地殞命查李添貴被毆各傷俱在
行竊及跪走之際張德雄並無倒地疊傷及已
就拘獲輒復致斃情事該省將張德雄依事主
因賊犯黑夜偷竊登時追捕毆傷致死例擬杖
一百徒三年張德英依餘人例擬杖八十均屬

相符合應請照覆恭候

鈞定謹稟